

DISSERTATIO MEDICA INAUGURALIS,
De,

**ASTHMA TE
CONVULSIVO CUM
HYDROPE PECTORIS,**

Quam

RECTORE MAGNIFICENTISSIMO,
SERENISSIMO PRINCIPE AC DOMINO,

DN. PHILIPPO WILHELMO,
PRINCIPE BORUSSIÆ, MARCHIONE BRAN-
DENBURGICO, CETERA,

PRÆSIDIO

DN. FRIDERICI HOFFMANNI,
CONSIL. ET ARCHIATRI REGII, MED. ET
PHIL. NAT. PROF. PUBL. ORDIN.

PRO

GRADU DOCTORIS
OBTINENDO.

Ad d. Augusti MDCCVII, horis ante & pomeridianis

IN AUDITORIO MAJORI

Publicæ Eruditorum disquisitioni exponet

JOHANNES GEORGIUS LANCKISCH,
UNRUHSTAD. M. POL.

HALÆ MAGDEB. LITERIS CHR. HENCKELII, ACAD. TYP.

ETAMH 32A

HYDROLYSE FACTOR 15

DATE RECEIVED



DISSERTATIO INAUGURALIS MEDICA

De

ASTHMA TE CONVULSIVO
CUM HYDROPE THORACIS.

PROOEMIUM.



Respirationem æque ac vitam
pari pretio æstimandam esse,
cum vetus est sententia, tum,
quæ ipsa veritate comproba-
tur. Est vita animantium
perennis fluidorum in orbem
motus, qui solidarum partium convenienti tono
elaterere & pulsu justaque viarum amplitudine per-
ficitur. Hoc præsentem motu, hoc regente artus,
corpus nostrum, quod per se corruptioni maxi-
me est obnoxium, salvum ac integrum persistit,
inutilia ab utilibus separantur, & anima ceu cœ-
lestis vis ordine agens, organisque corporis adli-
gata suis operationibus rite defungitur. Jam un-

de solidorum pulsus, unde eorumdem systole & tonus, quo ceu radice sanguinis circuitus innitur, suam trahat originem, operæ pretium fuerit disquirere. Nos rejectis aliorum somniis, & terminis nihil significantibus, quibus nonnulli sibi blandiuntur, nominibus quam rebus magis studentes, plane simpliciterque adfirmamus, illud elementum, quo fluidæ partes inter se agitantur miscenturque, & quo solidæ sustinentur, esse fluidum universale, seu καθολικόν, aëreo æthereum mobilissimum. Hoc per se & natura sua celerrimæ agilitatis est, & animæ quoq; imperio in nonnullis organis, unde animalium actionum fluit adpellatio, obtemperat. Satis nempe constat, nullius animantis vitam, nisi aër interiora subeat, subsistere. Hoc subtracto omnis statim motus sensuumque vigor, velut lucerna oleo defecta extinguitur, eodemque restituto, animantia jam morti proxima vitam spiritumque recipiunt. Inde HIPPOCRATES cum videret, quanta aëris ad vitam necessitas utilitasque esset, non dubitavit illum vitæ sanitatis morborumque dominum ac autorem pronunciare, uti in *lib. de flatibus* scriptum reliquit. Aer enim serenus subtilis purus & temperatus egregie adjuvat corporis & animæ operationes. Ubi contra à temperie deflectit, ubi gravis red-

redditur, ad varios morbos disponit, epidemicis passionibus, & quæ ex mutatione anni temporum & tempestatum proveniunt, id ipsum luculenter adprobantibus. Igitur sapientissima natura omnibus animantibus aëris receptaculum non concessit solum, sed illud ipsum cordi etiam ceu principi musculo, & primo moventi firmissime adligavit. Ita enim perpetua communicatione mobilissimi istius fluidi elastici cum sanguine succisque corporis nostri facta, illis debita fluiditas & mixtio servatur, & solidis quoque, fibris nempe musculosis robur ac vis motrix infunditur. Ex quo manifestum esse potest, quantum commodum vitæ sanitatique præstet aër, & quæ inde fluit, respiratio, quippe hac novus subinde elater succis vitalibus inspiratur. Itaque cum tanta utilitas ex respiratione ad vitam redundet, non difficile est existimare, quam molesta quam atrocia sint mala, quæ spirandi facultatem, qua ceu futura vita sustinetur, impediunt & interturbant. Ex hisce eminet adfectus ille, qui asthmatis nomine mortales vexat, cui, si inveteraverit, si non evincitur remediis, facile thoracis hydrops jungitur cum funesto plerumque eventu. Qui morbus cum non rarus sit, sed frequenter in praxi occurrat, mirari omnino convenit, cur practi-

corum libri magna ex parte de hoc fileant. Plures certe hoc extinguuntur & plures inde vidimus extinctos. Constituimus igitur in hoc qualicunque studiorum specimine hujus periculosi morbi indolem & causas explicare. Cui labori ut supremum Numen gratiam adspiret suam, toto pectore illius bonitatem imploramus.

§. I.

IN conspectum igitur daturi asthma convulsivum, supervacuum fore putamus, explicando nomini diutius immorari. Asthma, quod Latinis suspirium est, imminutam vocamus respirationem, sive deficientem aeris in organa pneumonica influxum ac reciprocationem propter viarum maxime angustias. Cum vero variæ causæ sint, quæ spirandi difficultatem excitant, nos omissis ceteris, convulsivum asthma hic exponemus, & quidem illud, cui thoracis hydrops plerumque adsociatur. Juvat vero prius, quam ad alia transeamus, symptomata mali recensere, ut ex istis ipsius passionis magnitudo cognoscatur.

§. II. Sunt igitur hæ fere notæ accedentis mali: Corpus fit grave, extrema frigent, urinæ sunt albæ & copiosæ, alvus dura & tensa, fit circa præcordia constrictio & anxietas, cordis tremor atque palpitatio, summa spirandi angustia & inquietudo. Porro pectus stridet, venæ inæqualiter moventur, intestinorum ad superiora fit conductio, spiritum erecto cervice & collo extenso ægri trahunt, difficilis jacendi potestas schemate supino, ora livescunt, excluditur per nares mucus, cubare expectant thorace atq; pectore sublevato, locoq; lucido & calido,

vox debilis est, sudor circa frontem frigidus, facies pallida & fusca, & continuus metus præfocationis. Accedit sæpe ex nimia angustia, qua ægrotus premitur, animi defectio, accedit etiam & sæpe cum sinistro omine paralytica pedis vel alterius partis resolutio. Paroxysmus subinde revertitur, maxime post primum somnum & de nocte, quo tempore malum plerumque ingravelcit, cum de die & circa meridianum tempus minuatur. Adest etiam tussis ficca, sed nihil redditur, habitus plerumque corporis tumidus, pedes oedematosi, sonus obscurus fluctuantium quasi aquarum, quando inclinatur corpus, in pectore observatur. Si paroxysmus diutius exercet & sæpe repetit, mire debilitantur, & suffocatione tandem extinguuntur. Cadavera si aperiuntur, adparet plerumque feri colluvies vel limpidi vel sanguine tincti intra pectoris cavitatem, sive in altero sive in utroque latere. Adscendit hujus feri quantitas ad libras duas, quandoque ad decem, uti observationes & historiæ medicæ passim contestantur.

§. III. Illud inprimis dignum, quod adnotetur, tali nempe asthmati convulsivo, præsertim ubi viros invadit, plerumque jungi hydropem pulmonis cum non obscuro subsecuturæ mortis indicio. Idem hydrops thoracis aliis etiam morbis supervenit, ut in iis sæpe adparet, qui ascite vel urinæ suppressione adfliguntur. Ejusmodi hydropis exemplum elegans consignavit *Verzasch. lib. 1. obs. 2.* & ab urina retenta summus Imperator Maximilianus II. teste Cratone *in epistol. ad Scholtz.* feralem pectoris hydropem incidit, eodem interceptus. At nos tacemus de ceteris malis, quæ in hydropem pectoris desinunt, dicturi potius de hydrope thoracis, qui asthma convulsivum plerumque comitatur.

§. IV. Quod ut eo magis confirmetur, egregia Baglivi observatione nostram sententiam subfulciemus. Si quis *inquit laudatus Autor in praxi medica p. 70.* vesperi hora somni, sed præcipue post tres aut quatuor horas somno impensas repente expergiscitur, asthmate ingenti siue suffocatione correptus, atque fenestras aperiat, liberumque aërem desideret, pro certo habeto, illum hydrope pectoris laborare, multo magis, si pedes aut manus tumere cœperint, cum faciei à nativo calore recessu, & præ ceteris, si accedat torpor seu incipiens brachii paralyfis. Hujusmodi brachii torporem in aliis quoque pulmonum morbis præsertim peripnevmonia observavimus. Hæc non minus vere quam eleganter CL. Baglivus: quo ex loco satis comprobatur, asthmaticonvulsivo hydropem pectoris, quod adhuc pauci observarunt, plerumque accedere. Non sufficerit tamen unius auctoritas, igitur & alia adferemus exempla, inter quæ facile in primo loco ponenda, quæ eruditissimus medicus *Carolus Piso in libro de morbis a colluvie serosa orbis adnotavit p. 214. & seqq.* Generosus Vir senex sensim gravi spirandi difficultate premi cœpit, præsertim nocte post primum somnum, dum de subito suffocatio somno interrupto senem excitabat, ut invitus e lecto surgere & ad fenestram confugere liberioris aëris captandi causa cogeretur. Palpitabant scapulæ nullaque ipsi quies, remittebat tamen post meridiem anxietas. Per biennium hoc suspirio confectus tandem expiravit. Reclusum corpus ostendit pulmones & præcordia plurima aqua septis transversis interclusa, innatantia. Non minus elegans historia est, quæ sequitur, ab eodem Autore observata. Adolescens orthopnoea inveterata jam inde à multis annis laborabat, qui denique morbi violentia jugula-

gulatus fuit. In hujus cadavere præter inflammatorium hepatis tumorem repertus fuit hydrops thoracis, sed in uno tantum latere. Pulmonum vesicæ, quarum magna multitudo erat, humore lento & pellucido, qui albuminis ovi indolem referebat, impletæ erant. Similes observationes Vir rei medicæ peritissimus *Sculterus in append. observ. 31. p. 252.* collegit, quarum summam hic commemorabimus. Adolescens per plures annos asthmaticus acuto lateris dolore adfectus fuit, dolorem comitante febre & tussi, quibus malis æger evictus occubuit. Dissectum pectus ingentem aquæ copiam continebat, manifesto documento, hydropem pectoris mortis causam extitisse. Circa idem tempus, *pergit noster Autor*, similis incidit casus in lapicida. Laborabat hic spirandi difficultate, & per plures annos laborabat. Ubi tandem ex malo decessit, uti plerumque accidit, pectoris hydrope afflictum fuisse, intellectum est ex corporis apertione. Quæ exempla, addit laudatus Vir, satis superque docent, in iis, qui diuturno cum asthmate conflictantur, sæpius forsan, ut nos judicamus, thoracis subesse hydropem.

§. V. Quem tractandum igitur sumpsimus, affectus, convulsivum nempe asthma, non tam in materiali pulmonum vitio, sed potius in genere nervoso ac membranaceo ejusque motu irregulari & vitioso radicatur. Inde est, quod jam olim *Cal. Aurelianus*, methodicorum quorum fragmenta adhuc supersunt, facile princeps, solemni sectæ, quam profitetur, more, nostrum malum *passionem stricturæ* adpellet. Reliqui veteres, à quibus rationalis medicina parum exculpta fuit, flatus atq; pravum pulmonis motum incusarunt. *Helmontius* vocat cadu-

cum pulmonis, *Lindanus* convulsionem diaphragmatis, *Willisus* vero optimo jure inter morbos convulsivos numeravit *l. de morbis convulsiv.* Non negamus, alias etiam dari difficilis respirationis causas. Ita ex infarctu pulmonum à desidente ibi sanguine, item ab obstructione vesicularum, nostrum provenire malum, certis constat experimentis. Ubi enim serum viscidum tartareum vesiculas obsidet, vel scirrhi tubercula & empyemata easdem comprimunt, aër pulmones non elevare potest, & respiratio exinde imminuitur. Quod aliter evenit in nostra passione, cujus causa adeo in materia non quærenda est, ut & pulmones sæpe quoad substantiam labe careant omni. Cujus quidem rei elegantem adfert *CL. Willisus* historiam ab alio celebri medico ipsi communicatam. Narrat enim, illum aliquando aperuisse insignis viri cadaver, qui cum singulis xiv. diebus asthmate affligeretur, in ipso tandem paroxysmo obierit. In hoc cum omnia viscera, tum pulmones salvos ac integros fuisse repertos, nec quidquam excrementi in bronchiis, vel stagnantis intra venas sanguinis adparuisse. Quod idem propria observatione communit, dum puerum astmaticum se dissecuisse affirmat, in cujus pulmonibus nihil vitii omnino fuerit deprehensum.

§. VI. Est igitur spasmus maxime nostri adfectus causa, & hunc ægros inprimis exercere, symptomatum ratio declarat, quæ & exinde unice sunt explicanda. Unde enim illi anxietatum cruciatus, unde præcordiorum tensio, pectoris angustia cum imminente suffocatione? unde alvi durities, intestinorum ad superiora conductio, pulsus inæqualitas extremorumque frigus? unde

unde denique albæ & copiosæ urinæ, nisi ex spasmo nervorumque & membranarum distentione? Nempe uti ceteræ corporis partes spasmodicis affectionibus patent, ita & pulmones hisce malis maxime expositi sunt. Quod ne dubium esse possit, ex structura pulmonum, quam jam recensebimus, confirmabitur. Sunt pulmones compositi ex multis vasis sanguineis, quæ in ramificationes innumeras diffunduntur, sunt porro infinitis vesiculis pleni, quæ bronchialibus tubulis aërem excipientibus adhærent. Trachea vero, uti *Willisius in pharmac. rational. p. II. sect. I. c. I.* notat, interius tunica multiplici nerveo carnea vestitur, quæ ex fibris longitudinalibus & circularibus contexitur. Adsunt simul tunica glandulosa & vasculosa, eademque membranæ vesiculas quoque aëreas constituunt. Exterior porro membrana, quæ vesiculas cingit, fibris & nervis idemtidem interstinguitur. *Malpighius ingeniosissimus temporis sui medicus* ita scribit: In ranis & lacertis exterius reticularis plexus occurrit ex carneis fibris constans, ita ut mirus musculus singulas pulmonum cellulas constringat. vid. *Schvammerdam. de respiratione.*

§. VII. Præterea in pulmones nervi eximii penetrant, qui à pari vago seu octavo & nervis intercostalibus orti in hoc viscus disperguntur. Horum alii quomodo in pulmones desinant, alii vero per vesiculas mirifice repant, alii constringant easdem, adcuratius tradit *Vieussen in neurologia lib. 3. c. 4. p. 183.* Et quoniam ramulus à nervo intercostali per carneam etiam diaphragmatis partem sive musculum ejus posteriorem circulumque nerveum fertur, hinc manifesto ratio constat, cur in aliis sæpe morbis spasmodicis diaphragma

& aspera arteria in consensum pertrahantur. Uti videmus in hyftericis hypochondriacis & ubi plexus mesenterii adficiuntur.

§. VIII. Cum pnevmonica itaque organa ex tot nervis & membranis constructa sint, quæ cum aliis iisque remotis partibus mirifice conspirant, minus mirabile, spasmodicis constrictionibus & convulsivis motibus opportunum inprimis esse amplissimum pulmonum viscus. Et hac constrictione fit, ut tubuli bronchiales cum vesiculis comprimantur atque coarctentur, unde liberior aëris ingressus impeditur. Accedit, quod compressionis hujus violentia sanguinea vascula, quibus pulmo repletus est, premantur, sanguinisque cursus salutaris intercludatur. Unde intra pulmones regurgitans, ibi defidet, maximasque angustias anxietates, inquietudinem, & nisum respirationis intensioris cum præsentis suffocationis metu producit. Quæ mala ubi quis adcuratius intuetur, deprehendet omnino, essentialia & pathognomica symptomata esse hujus adfectus, quem hic exhibemus.

§. IX. Est vero asthmatis ejusmodi convulsivi, & qui hoc sequitur, hydropis in thorace causa plerumque humor intra corpus nostrum conceptus virulenta qualitate prægnans. Hujus commatis sunt excrementitiæ acres & causticæ sordes, quas natura provida certis in morbis ad habitum corporis propellit, & salutari motu eliminat. Hæ si subsistunt in cutis glandulis, nec foras secedunt, mora deteriores redditæ relegunt vestigia, & cum lymphæ ad sanguinem rursus redeunt veneni naturam atque noxas æmulantur. Tenuissima enim causticaque, qua pollent, natura penetrant in fibril-

brillas nerveo-membranaceas, quas ubi infederint, sævis molestisque spasmis & contractionibus totum corpus concutiunt, sanguinis inæqualem circulum & anomalous fluidi nervei motus efficientes. Ita experientia docemur, à scabie retro pulsa, à podagra vel arthritide interiora repetente, à tinea capitis male curata, ab obductis intempestive malignis ulceribus cum cetera mala, tum nostram passionem exoriri.

§. X. Non alienum erit, hoc aliquot exemplis atque observationibus illustrare. Sic periit haud ita pridem filiulus Consiliarii intimi cujusdam, qui ex Saxonia huc concesserat. Hic puer per annum fere circa labia ulcere putrido erodente infestabatur, quo liberatus tandem per externa à chirurgo, incidit primum asthma convulsivum, mox ipsam mortem. Idem in arthritide evenit, cujus materia si intra corpus remanet, vel intempestive repellitur, spasmo pectus constringit, & convulsivum asthma funestumque pectoris hydropem excitat. In mentem hic veniunt egregia duo exempla, quorum commode Dn. Præses me admonuit, cui in praxi sua hæc ipsa occurrerunt. Generosus vir duobus ab hac urbe milliaribus habitans, cum diu podagræ ac calculi sævitiam sustinuisset, habitu alioqui spongioso lividoque colore, impatiens tandem dolorum, medici ex vicina urbe opem implorat. Ille ad deliniendos podagræ dolores linamento ex spiritu vini rectificato, in quo solutum erat satis opii & camphoræ, manuum atque pedum articulos jubet inungere. Inungit æger totum corpus liberaliter, dolores remittunt, sed horum loco lassitudo, virium languor, postremo asthma nostrum corpus occupat. Accedit pedum tumor, præcordio-

rum anxietas, spirandi summa difficultas, ut strangulari sibi æger videretur. In consilium rogatus D. Præses, cum non fefellissent ipsum causæ malorum, prædicat statim, summum illi discrimen impendere. Neque falso: Non multo post enim, cum nequidquam remedia adhiberentur, expiravit. Simili modo quatuor & quod excurrit abhinc annis periit alius nobilis Vir, in quo non alia mortis causa adparebat, quam quod arthritica materia, vel ex defectu virium, vel ex acidorum fructuumque horæorum abusu, non foras processerat, sed intra corpus retenta veneno suo (venenum enim vere est;) vires vitamque ægrotantis exhausterat. Neque dubium est, quin ubi extinctorum corpora aperta fuissent, magna feri copia in thorace fuisset adparitura. Tali in casu unice providendum spectato medico & in hoc ipsius labor & cura sit, ut materia acris, quæ nervos irritat, ad exteriora propellatur. Memorabilis est historia, quam celebris medicus *Dodonaus* hac de re prodidit: Mercator juvenis tam gravi atque diuturno suspirio vexabatur, ut, licet nullum remedii genus intentatum relinqueret, nihil tamen inde adlevaretur. Idem tamen, invadentibus postremo calculi & podagræ doloribus ab orthopnoea liberatus fuit, ita ut cum antea in sedili cibus somnusque ipsi esset capiendus, jam decumbendi facultas morbi beneficio ipsi concederetur. Adeo quam frustra à remediis sibi promiserat medicinam, à morbo impetravit!

§. XI. Non dissimilis est historia, quam *CL. Etmüllerus* in suis operibus c.13. p.184. tradidit, quæ cum paulo longior sit, in compendium mittere tentabimus: Vietor senex diu podagræ tormenta expertus cum aliquando
remi-

remisissent dolores , statim sentire cœpit respirationis difficultatem. Intendebatur malum post cœnam & cum cubitum concederet , modo imminente somno, modo transmissis jam aliquot horis dormiendo, & ex improvilo anxietates præcordiorum indormientem malis suis excitabant. Cogitur æger propter imminentis strangulationis metum adfurgere, erecto collo mensæ adsi-
det & inter præsentis mortis periculum tres & plures horas noctis tristic suspensusque exigit , donec rejecto pauxillo viscidæ materiæ adlevatus lecto somnoque jam securior se reddebat. Vigente paroxysmo, theriacæ vel mithridatii tantum, quantum cultelli cuspis capit, sumebat, quo mirifice impetus mali infrangebatur. Interim pro varietate tempestatis nunc gravior nunc levior morbus erat. Tandem cum post aliquot septimanas rediret podagra, modo dicti paroxysmi vale dixerunt. Scabiem ex intempestivo externorum usu sæpe in adfectum nostrum transire, eleganti observatione demonstrat *Serenissimi Electoris Palatini Castrensis medicus Dn. Grassius in dissertatione, quam filius ejus de hydrope pectoris Marburgi haud ita pridem habuit*: Erat officialis miles præsidii Moguntini, strenuus alioqui potator, qui ab aliquot annis scabie humida & foeda totius corporis vexabatur. Hic pertæsus molestissimi adfectus svasore Chirurgus Castrensi thermas Wisbadenses adiit, quarum usu intra quinque dies scabies discussa fuit, sed scabiei loca multæ in collo scrofulæ cum subito tumore pedum prodierunt. Accedens chirurgus toti collo emplastrum de ranis cum mercurio triplici imponit, unde altero die ptyalismus imminuitur, quo cessante pedes subito detumuerunt. Sequenti vero nocte funestum hominem
asth-

asthma ex improvise adoritur cum summa spirandi difficultate. Cui dum chirurgus obviam ire tentat sanguinem detractus, inter illius manus æger exanimatur. Aperto cadavere, utrumque thoracis latus novem aquæ libras continebat, pulmonesque innumeris hydatidibus obfessi seroque limpidio turgentes reperiiebantur. Quod de scabie diximus, tenendum etiam de tineâ capitis, quæ ubi imprudenter oleosis & pinguibus tollitur, in asthma convulsivum & catarrhum suffocativum frequenter commutatur.

§. XII. Ex hisce quæ adduximus exemplis, facile adparet, causam asthmatis nostri sitam esse in materia tenuissima acri caustica nervos præcordiales adrodente. Corroboratur hoc vel exinde, quod in variolis morbilis purpura & erysipelate propter similem materiæ malignitatem, antequam illa prorumpit, eadem symptomata exoriantur. Datur enim cernere summas pectoris anxietates, suppressionem spirandique angustiam, quæ cuncta tamen mala mitescunt, ubi ad externum corporis habitum acris materia penetravit. Quod si vero vel ex naturæ debilitate vel aliis de causis hæc materia ad interiora regreditur, a circumferentia ad centrum pulsa, eadem symptomata repetunt, idque cum ea vehementia, ut non raro mortem adferant. Notabile hoc maxime est circa morbillos, quorum materia nervis præcordiorum inimica inprimis est. Inde facile est intelligere, cur si minus recte prodeant, infantes gravissima exinde mala & inter hæc asthma convulsivum & catharrum suffocativum patiantur. De erysipelate annis abhinc tribus hæc observatio Dn. Præsidi contigit: Consiliarius hujus loci jam proveciore ætate, isque cachecti-

cus

cus ex tumore pedum male habebat. Hic subito in erysipelas incidit, quo, dubium, qua de causa evanescente, invasit asthma periculosissimum cum mira anxietate, pectorisque angustia & sensuum turbatione, ut non procul jam à morte abesse videretur. Dato pulvere diaphoretico nitroso, ad exteriora erysipelatis materia cessit, nempe ad ingentem scirrhosum fungum, qui jam inde à longo tempore latus insidebat. Unde expirantibus ceteris malis, melior factus æger priorem valetudinem recuperavit.

§. XIII. At non tantum virulenta materiæ qualitas, quæ nervosas thoracis partes vellicat, nostri mali causa est, sed ejusdem etiam quantitas, feri nempe excrementitii moles, merito infimulatur. Sæpe quippe accidit, ut, quando tumores pedum subito disparent, noster adfectus inde excitetur. Neque alia hujus rei causa subest, quam quod, spasmo pedes urgente, serum ad pulmones inclinetur, ibidemque subsistat. Ejusmodi casus meminit Dn. Præses, quem in Consiliario Berolinensi observavit. Is scorbutico adfectu cum tumore pedum torquebatur, qui tumor satis grandis alioquin cum subito deferuisset pedes, sentire statim cœpit æger incredibilem anxietatem atque respirationis angustiam. Eodem tamen, quod mirabile in primis, redeunte, periculo eximebatur æger. Convenit cum hac historia memorabilis observatio *modo laudati Dni Grassii*, qui ante tres annos singularia hæc in militibusprehendit. Qui cum in castris ad Rhenum prope Dachslandiam positus, varii generis piscibus, Rheni exundatione in litus & vicinas fossas ejectis per totam fere æstatem vescerentur, & proximo autumno sub aere frigido & plu-

C

via

via Landaviam expugnarent, febris tertiana & quartana correpti cachexiam tumoremque pedum sibi contraxerant. Hic tumor cum subito dilaberetur, certissimam plerumque mortem significabat. Plurimi enim vel inter cibum vel in ipso somno subfocabantur, adeo, ut ex una legione quadringenti homines hoc modo interirent. Et quod notandum, omnes, quos laudatus Vir aperuit, quorum tamen quinquaginta, ni fallor, numerat, hydropem pectoris & sedentem intra venas polypum monstrosa magnitudine exhibuerunt. Ex qua historia & illud elucet, quod asthmatis nostri causa sæpe etiam sit polypus, cordis ventriculos & vasa obsidens, unde mors plerumque subsequitur. Ejusmodi exemplum præter adductam observationem proponit *Riverius cent. 1. obs. 82.* Polyposa enim concretio angustiores reddit vias, unde sanguis difficilius transit, præsertim ubi animi vel corporis motu, vel spasmis remotarum partium cum majori impetu ad superiora ruit. Quippe intercluso ipsi per polypum itinere, in cursu retardatus stagnat, vasa infarcit, palpitatione cordis, anxietate & suffocationis metu id declarantibus. Imo si diutius paroxysmus instat, frequentissime accidit, ut serum a sanguine in copia separatum nunc in pericardium redundet, nunc in thoracis cavitatem effundatur. Ideoque plures, qui ex nostro adfectu languent, polypum intra vasa pulmonum, vel in ipso corde foveant.

§. XIX. Ad malum nostrum proclives sunt hypochondriaci, i.e. qui viscerum, præsertim hepatis & lienis obstructione laborant. Item, quibus sanguis per abdomen tardius ac difficilius commovetur, unde spasmodicis adfectibus frequenter affliguntur. Sunt enim ipsi
 paro-

paroxyismi, quos hypochondriaci experiuntur, nil nisi adfectiones præter naturales dolorificæ plexuum nervorum in mesenterio, diaphragmate corde ventriculo ceterisque intestinis. Itaque in hypochondriacis nervosæ thoracis pulmonumque partes istis motibus facile advescunt, unde postea hoc malum excitatur. Accedit sanguis crassus salsus impurusque, qui per pulmones lente cunctanterq; progreditur, & acredine sua nervosas membranas ad spasmos stimulat.

§. XV. Adfectui nostro jungitur plerumque cachecticus corporis habitus, ideoque *Hippocrates lib. 2. de morbis p. 84.* eleganti stylo hæc consignavit: Si hydrops in pulmone fuerit, febris & tussis tenet, coacervatim æger spirat, pedes tument, & ungues contrahuntur omnes. Aliis venter etiam scrotumque & facies intumescit. Et quidam ab inferiore alvo id esse existimant, cum vident ventrem magnum & pedes tumentes. Videmus porro, quod qui cachexia contabescunt, plerumque de asthma simul conquerantur.

§. XVI. Si quid vero aliud, certe frigus nostrum malum facile producit, quod hoc nervis imprimis inimicum, adeoque aptum spasminis producendis. Unde hyeme, & ventis aquilonaribus ingravescit, item ubi post vehementem corporis calorem statim frigidus potus ingeritur. Et observavimus, illos, qui pectus non bene tegunt, præsertim si nocturno frigori illud exponunt, sæpius hoc malum incurrisse.

§. XVII. Accedimus jam ipsam hydropis generationem, quomodo hæc fiat, paucis explicaturi. De hac vero instar omnium optime egit *Hippocrates*, dum in libro de internis adfectibus hæc scribit: Fit hydrops (pul-

monum) si tubercula in pulmone fuerint enata & aqua repleta, inque pectore disrupta. Quod autem hydrops à tuberculis fiat, in quadrupedibus, bove sive & cane ceterisque adparet, quorum in pulmonibus tubercula existunt. Hæc ubi incideris, statim effluit aqua. Hæc Cous noster: quibus clarissime demonstrat, ex hydatidibus aqua repletis disruptisq; in pulmone vel pleura hydropem pectoris exoriri. Tales hydatides in corde, pulmonibus pleura & diaphragmate reperiri, confirmat *Otto Heurnius observ. 18.* Adde *Barthol. cent. 11. obs. 61. Cord. comment. V. ad lib. 1. Hipp. de morbis mulierum, & Acta Hassniensia volum. III. obs. 76.* Idem *Carolus Piso in lib. de morb. à serosa colluvie ortis* commemorat, quo in loco aperte scribit, observasse ipsum vesicas in pulmonibus scatentes humore pellucido, & qui albuminis ovi instar lentescebant. Ex his vesicis, ubi rumpuntur, destillat sensim aqua, & uti optime *Wepfferus in lib. de apoplexia* scribit, principio parum vel nihil molesta est, ubi vero increvit, acriorque facta tussim ficcā atque palpitationem cordis movet, spirandique facultatem imminuit. Ubi denique ad majorem molem excrevit aqua, quam ut capi possit intra pectoris cavum, subito hominem nihil tale timentem suffocat, pressis nempe undiq; pulmonibus. Ut nuper admodum in juvene quodam Philippo Sperlino observavi, qui nullo in pulmonibus vitio, si compressionem excipias, subito periit ab aquæ copia, in pectore adcumulata.

§. XVIII. Cum vero hoc serum, cujus modo meminimus falsum corruptumque plerumque sit, inde si diutius intra viscera stagnat, diaphragma & pulmones exeden-

dendo, incredibiles anxietates primum, mox mortem adfert certissimam, Deprehendit hoc ipsum in corpore summi Medici, Wepfferi, qui hydrope pectoris obiit, *CL. V. Brunnerus: vid. Memoria Wepfferiana ephemerid. N. C. Dec. III. Ann. 3. adnexa.* Cor a diuturno intertrigine laborabat, & arteria pulmonalis & aorta pone valvulas semilunares osseam substantiam induerat. Pericardium porro humoris copia distentum, & diaphragma à stagnantis feri acredine exesum, hydatidibusque adgravatum erat. Jam hepar, lien, mesenterium, renes & infimi ventris glandulæ scirrho adfectæ erant, totum denique abdomen hydropico tumore turgescibat.

§. XIX. Quod vero serum, ubi vasa excessit, pulmones adgrediatur, pulchra *Harderi* observatione comprobabimus. *vid. l. 1. obs. 51. p. 217.* Nuper, inquit, peregre existente Dno. parente meo, cum D. D. Pariz de Papa cadaver muliebre in Xenodochio aperui, in quo insignem pectoris hydropem deprehendimus. Erant pulmones putredine plane consumti, sinistrum verolatus tres feri putridi mensuras continebat, ita, ut ab aquarum copia diaphragma, ea, qua oesophagus progreditur parte, instar sacci versus sinistrum renem protrusum fuerit, ventriculo hepatis, quod immensæ magnitudinis erat, superjacente.

§. XX. Instituti ratio jam postulat, ut hydatidum originem, qua potest fieri brevitate, exponamus. Fiunt nempe ab impedito lymphæ circulo, vasorumq; quæ hanc vehunt, nimia distensione. Quoties enim ob constrietas spasmus membranas liber sanguinis transitus impeditur, necesse est, ut ab eodem sanguine, qui exinde stagnat, serum secedens majori in copia in vasa lymphati-

ca delabatur. Inde distenduntur hæc vasa, sero subinde adfluente. Adde quod a crasso impuroque sanguine ejus circuitus inhibeat, unde & cachectici, quorum sanguis sordibus abundat, hydrope pectoris afficiuntur. Porro ex anatomia notum est, copiosissima vasa lymphatica mirabili plane modo pulmonalem tunicam obfidere. Id quod egregie observavit Vir anatomiae scientissimus *Nuckius in adenographia curiosa p. 141. 142.* ubi definite scribit, tunicam hanc eximiis vasis lymphaticis abundare, quæ variis compositis insulis anastomosisque ductum respiciunt thoracicum, huncque etiam glandulæ unius atque alterius interventu ingrediuntur, solo flatu, per tubulum in tracheam & unum alterumque lobum nisu fortiore immisso, nullo negotio detegendæ.

§. XXI. Illud mirabile in primis, quod, cum in hydrope pulmonis aqua semper thoracem impleat, nihilo tamen secius illa anxietas, & strangulationis metus diversam sæpe faciem induat. De die enim, uti diximus, plerumque levior fit, nocte vero, maxime post somnum ingravescit. Cujus rei causas licet res ardua sit adferre, quantum tamen per ingenium licet, easdem inquiremus. Est respiratio luce major semper intentiorque, quam nocturno tempore, ubi valde imminuitur. Ideoque sanguinis circulus, qui respiratione egregie juvatur, die validior est, nocte languescit, ob respirationis debilitatem. Inde enim sanguini minor virtus atque spiritus ascensio, idemque facile circa pulmones detinetur. Ipsa porro aqua, quæ in thorace collecta est, commotis fortius pulmonibus, quod unice fit justo sanguinis motu, hinc inde impellitur cum aliquo ægroti levamento. Quæ, ubi ille sanguinis adeoque pulmonis motus labascit,

fcit, intra pulmones subfistit, coagulatur, quiescitque, & acredine sua membranosas partes infestat.

§. XXII. At cum spasmi & convulsiones variis se adfocient respirationis malis, idq; in diversis morbis, hinc non inutilem operam nos posituros arbitramur, nostrum adfectum ab aliis discernendo. Qui enim morborum naturam eorumque causas atque effectus bene distinguit, is curationem eorundem facilius feliciusque absolvere potest.

§. XXIII. Oportet igitur asthma convulsivum discernere primum à motu convulsivo pectoris, quo costæ thoracisque muscoli è sede sua propelluntur. Dilucidius res adparebit ex sequenti historia, quam in illustri quodam Viro Dn. Præses observavit. Is cum podagram imprudenti emplastri usu ad interiora compulisset, periculosum inde sibi malum, ventriculi nempe inflammationem arcessivit. Inflammationi præter cetera mala aderat motus pectoris convulsivus, isque tam vehemens, ut nulla externa vi & robore reprimeretur. Meminit similis adfectus *Hobokenius in Spicileg. ep. p. 250.* ubi diserte adfirmat, tam violento pectoris spasmogrotum quendam adfectum fuisse, ut adstantes rei novitate perculsi, nescio, quid veneficii, subesse arbitrarentur. Erat ægrotanti inter cetera mens imminuta, quamdiu autem supinus jacebat, summa convulsio- nis atrocitate pectus sursum distorquebatur. Interim ceteris membris quies, & quoties adsurgebat, convulsioni adlevatio constabat, continuis tamen vigiliis ægrum debilitantibus.

§. XXIV. Porro autem ab asthma hysterico nostrum malum distingui debet. Illius enim non alia cau-
sa

sa est, quam flatus in intestinorum recessibus accumu-
lati, quibus nervosi plexus trahuntur, vel muscoli dia-
phragmatis & laryngis ita constringuntur, ut palus in-
tra fauces defixus videatur. Simili modo differt ab
asthmate hypochondriaco cum anxietatibus præcor-
diorum, quæ ventriculo inflato adscribendæ sunt, item
ubi ejus osculum laborat, vel ipsum diaphragma irrita-
tur. Hujus hæc plerumque signa: Est dolor constri-
ctivus circa costas spurias, ut quasi Zona ægri constri-
gantur, unde thoracis fit angustia, spirandique difficul-
tas. Et hoc asthma stomachale etiam adpellatur.

§. XXV. A catharro suffocativo in eo differt no-
ster adfectus, quod ille subito invadat, idque cum ma-
gna respirationis difficultate, cum suffocationis metu, i-
tem stertore, nec non vultus rubore. Est etiam non
minus discrimen inter nostrum malum, & illud asth-
ma, quod siccum nominatur. In quo cum summi pe-
ctoris dolores sunt, tum pulmones succedente tempo-
re plane exarescunt. Nempe causa externa plerum-
que est, quæ hoc malum excitat, uti fumus saturni, cal-
cis vivæ, mercurii & carbonum fossilium. Tali morbo
jactantur maxime, qui in metallis laborant, uti frequen-
ter in sylvæ Hercyniæ accolis Dn. Præses observavit *vid.*
ejus dissert. de metallurg. morbis.

§. XXVI. Discernendum denique est asthma
nostrum à periodico, quod certis mensibus, diebus imo
horis sæpius recurrit. Atque hoc quidem plerumque
accidit, ubi menstrua vel hæmorrhoides, alioquin salu-
tares, retinentur. Si vero hoc asthma nocturno tem-
pore ingruit, scire licet, ex vitio primarum viarum pro-
venire, & stomachale esse, vel hypochondriacum. Dum
enim

enim ex visceribus corrupti biliosique humores certo tempore ad ventriculum redundant, ibique spasmos & inflationes pariunt, liber septi transversi motus versus inferiora inhibetur. Hinc præcordiorum anxietas, respirationis labor, quandoq; etiam orthopnoea excitatur. Neque paratior huic malo medicina est, quam ex vomitu commodaque alvi ductione.

§. XXVII. Exposito itaque nostro adfectu, ad ejusdem curam jam properamus. Quæ, cum ipse morbus sit periculosissimus, summa cum difficultate perficitur, adeoque temerarium videtur, certam ejus spem sibi polliceri. Si enim ullus alius adfectus, certe hic, quem pertractamus, medentiū manus respuit, operam ac studium eorū eludendo. Quod magis accidit, ubi altius insedit malū, ubi cachecticos occupavit, nec integra amplius sunt viscera, & ubi jam adest feri extravasatio, vel certe adpropinquat. Tali in casu minus convenit V.S. quæ, ubi in ipsa mali accessione adhibetur, verendum est, ne æger amissis viribus, pereat cum non mediocri medici dedecore. Multo minus convenit, extra paroxysmum sanguinem ægroto mittere, cum ejus abundantia hic non delinquat. Diligenter igitur hoc auxilio abstinendum est, quod absurdum ineptumque foret, iis sanguinem detrachere, qui diuturnis doloribus anxietatibus vigiliisque confecti, vires fere perdiderunt. Nec quidquam aliud inde sequitur, quam ut ægrotis mors acceleretur.

§. XXVIII. Atque idem de vomitoriis purgantibusque observari debet, quod hæc remedia nervos, qui
D per

per se jam male habent, in thorace atque abdomine magis adfligunt, adeoque non tam auxilium, quam noxam huic morbo adferunt. Et de purgantibus quidem non negamus, ea hic interdum locum invenire aliquem, maxime cachectico præsentē statu, ubi cum mole materiæ pugnandum est, nihilo tamen secius circumspēctissime sunt adhibenda. Aquam enim, quæ in thoracem confluit, adeo non exhauriunt, ut nervis, qui jam læsi admodum sunt, plus noceant. Quo magis detestandus est mos tam valida & cathartica purgantia, propinandi, unde tricies & sæpius alvus provocatur. Neque aliud quidquam inde expectandum, quam ut ægri per compendium ad mortem deducantur.

§. XXIX: Pari cautione opus est in opiatīs anodynisque exhibendis. Licet enim, præsertim ubi cum alexipharmacis & diaphoreticis miscentur, paroxysmum paululum imminuant, tollendæ tamen causæ sufficiunt nunquam.

§. XXX. Gravior quæstio est de thermis, an earum usu aliquid in nostro malo proficiatur. Hic ego adpello experientiam Dn. Præfidis, qui liquido adfirmat, crebris experimentis id edoctus, non perniciosius remedium adferri posse asthmati convulsivo, præsertim si thoracis hydrops accedit, quam id aquarum genus. Quod ipse expertus est in Carolinis, quæ cum aliis morbis divinam opem præstent, hanc tamen laudē in adfectu nostro destituunt, tantumq; abest, ut illum sanent, ut potius reddant deteriorem. Meminit idē aliquot exemplorum, quæ

quæ anno abhinc, cum ipse ibi degeret, adnotavit. A-
derat tunc generosus Vir ex aula Gothana, qui ex in-
temperantia potus & frigore intenso, cui pectus expo-
suerat iter faciens, propter aeris inclementiam nostrum
sibi morbum contraxerat. Erat illi habitus corporis
cachecticus, facies plumbea & flava, tantum tamen ipsi
virium suppetebat, ut thermas posset accedere. Hau-
sta ingenti aquæ copia, nihilominus instabat malum,
jamque increſcebant ſymptomata cum maxima anxietate
atque ſuffocationis metu, ita ut quandoque paroxys-
mi ad octo atque decem horas extraherentur. Quibus
malis compulſus thermarum potum omittebat; Inte-
rim alvus ipſi fluida erat, & augeſcente morbo, levior
ſiniſtri brachii paralyſis & intenſiſſimus ſcapularum
dolor infeſtabat. Porro aqua in thorace ita increvit,
ut commoto corpore, aquarum ſonitus perciperetur,
tumor in pedibus & abdomine nullus, pulſus in ſiniſtra
manu debilior, in dextra fortior validiorque emicabat.
Poſtremo cum nihil prodeſſent optima remedia, ani-
mi defectione oppreſſus in ipſa urbe obiit. Eodem tem-
pore Vir generosus viridisque adhuc ætatis compactiq;
corporis ad aquas venerat. Hic cum vomitum, cui a
longo tempore matutino tempore adſeuerat, per opia-
ta, uti conſicere licebat, ſuppreſſiſſit, hujus loco incidit
præcordiorum anxietates cum reſpirationis difficultate.
Multis remediis fruſtra adhibitis ex medici conſilio ther-
mas adire conſtituit, quarum tamen uſu in pejus malum
ire cœpit, ita ut jam atrociora tormenta pateretur. Ar-
ceſſitus Dn. Præſes jubet abſtinere aquarum potu, ab-
ſtinuit æger, ſed paulo poſt in ipſo itinere deceſſit.

§. XXXI. Intelligitur ex his observationibus, quarum & aliæ nobis suppeterent, quam noxiæ sunt thermæ nostro adfectui. Et ratio quidem facilis: Sunt hæ aquæ crudæ in primis, & licet salutari elemento, alcalino minerali nempe polleant, multum tamen calcariæ terræ continent. Qua de causa difficilius transeunt emunctoria, poros tubulosque venarum male subeundo. Inde nihil frequentius, quam ut inter potum hinc inde tumore partes corporis præsertim pedes occupentur, qui tamen fomentis in balneo admotis facile discutitur. Neque dubium esse potest, quin, dum per pulmones tardissime movetur aqua, ibi subsistat, nervosque irritando nostrum adfectum provocet. Auget eadem mali vehementiam, quod sale purgante, quo prædita est, magis stimulat nervos ad spasmodicas contractiones. Accedit denique, quod hydropem pectoris facile excitet. Ubi enim vasa lymphatica nimium turgescunt, tandem rumpuntur, & disrupta ingentem aquæ molem, qualis in cura adsumpta fuit, in thoracis cavitatem exonerant cum non obscuro futuræ mortis indicio.

§. XXXII. Dicendum jam de paracenthesi, num illa tollere possit hydropem thoracis: In hac veteres summam auxilii spem contra hoc malum posuerunt, adeo, ut ab *Hippocrate l. 2. de morbis §. 59.* commendetur. Ita enim scribit: Qua parte strepitum perceperis, eam secato, quā potes, infimo loco, quo effluxio facilis contingat. Et paulo ante: si sectionis tempus prætermittitur, venter intumescit, & hunc quidem inter costas sectum
cura

curare oportet. Idem auxilii gens celebrat *Carolus Piso* loco cit. qui aperire latus jubet, ut evacuata sensim aqua spiritus ægris ducatur facilius. Adsentitur etiam *Scul-tetus obs. 31. p. 252.* Exempla, inquit, docent in asthmaticis inveteratis sæpius forsan ac nos putamus, thoracis hydropem subesse, cujus cura potius sectione quam tædio-
sis remediis adgredienda, cum paracenthesin in pectore multo minus periculosam judicem, ac in abdomine, quia prioris contenta viscera crudo externoque aeri magis adsveta, quam posterioris. Idem confirmat *Sylvius in operibus med. cap. 50. p. 316.* Hydrops thoracis tutissime curabitur (post præmissam lymphaticorum vasorum ob-
structionum reserationem ac consolidationem) con-
tinuato tam per apta medicamenta, quam per stu-
pham siccam sudore, sicque paulatim evacuatis per cor-
poris poros aquis præter naturam stagnantibus. Quibus si nihil efficitur, & de hydrope thoracis satis constat, non
video, cur non liceat, per acum argenteam cavam in tho-
race innoxiam instituere paracenthesin, ex tali namque
vulnere parvo nil periculi imminet ægro. Hæc Sylvius:
Nos de hac operatione ita censemus: Vbi ex viscerum
obstructione eadem induruerunt, ubi cachecticus cor-
poris habitus adest, frustra ad illam pervenitur. Si ve-
ro talis hydrops ex aquarum stagnantium copia, v. g.
ex thermis, ex nimio potu, provenit, tunc si vires suppe-
tunt, a vide est amplectenda, ut præsens vitæ pericu-
lum æger effugiat.

§. XXXIII. Ut vero constet curationis ratio, se-
quentia commendamus: Prospiciendum primum, ut
D s quam

quam perdidit spirituaſcentiam ſangvis, recipiat, dein ut iidem curſus celerior reddatur. Inſerviunt huic fini elixiria baſamica cum liquoribus alcalinis parata, quale eſt Dn. Præſidis, item eſſentiæ alexipharmacæ. Conveniunt porro, ſi tumor pedum adeſt, leniora purgantia, qualia ex mechoacanna, jalappa, auro fulminante ſalibusque deterſivis adparantur. Non minorem operam præſtant balnea Laconica cum ſpiritu vini, quod hæc mirifice exiccant corpus, tranſpirationem juvant & nervoſum genus calore ſuo fovant. Hiſce remediis ante quinque fere annos reſtituit Dn. Præſes Divino favore mercatorem huius urbis notiſſimum. Hic cum obefiore corpore eſſet, in aſthma tale convulſivum ſubito incidebat, & thoracis hydropem ſimul adfuſiſſe, exinde adparebat, quod cum aliquando ſonum quaſi diffractæ intra thoracem alicujus rei ad aures ejus adlaberetur, ſequenti die ſubviride ſerum odore foetido expueret. Intumeſcebant ſimul pedes, nec erat facultas ipſi jacendi in lecto, neque quidquam deguſtandi. Hic tamen diligenti cura intra octo hebdomades reſtitutus convaluit, cum egregie interne prodeſſent amara baſamica, externe vero calidiſſimis ex aceto vini fomentis pedibusque adplicatis ſudor eliceretur.

§. XXXIX. Ubi aſthma convulſivum ex ſcabiæ retro in corpus ſerpente, item ab arthritide repulſa oritur, ad exteriora revocare oportet nocentem materiam. Sunt pedes demittendi in aquam calidam, datis interne diaphoreticis, quæ cum anodynis optime miſcuntur. Neque contemnendum opium, cujus vim ſi alexi-

lexipharmacis, si spiritu C.C. volatili temperes, illud non sine fructu adhibetur. Boyle Spiritum cruoris humani extollit, nos nitrum cum camphora mixtum laudamus, innixi cum propriis tum clarissimorum Virorum observationibus, qui horum medicamentorum usum passim in scriptis suis prædicarunt. Anodyna enim rite præparata, & cum diaphoreticis mixta egregiæ virtutis sunt, ubi nempe non tam à mole materiæ, quam ejusdem acri & virulenta qualitate nervi vellicantur, excretionibus exinde intra corpus remanentibus. Igitur si in ejusmodi adfectu blanda diaphoretica cum anodynis offeruntur, horum usu non quiescunt solum spasmi, sed materia etiam corrigitur, & relaxatis viis ad exitum præparatur. Quod abunde demonstrat, anodynis, si tempestive dantur, non sisti excretiones, sed iisdem promoveri, uti id ipsum variolis morbillis & arthritide confirmatur.

§. XXXIX. In principio asthmatis præstat uti eleixiribus balsamicis, nec minus diureticis remediis, quæ in statu cachectico sua laude non sunt defraudanda. Inter hæc eminet Tinctura antimonii acris, calcis vivæ pulvis milleped. lumbricorum terrestrium. *Iohannes Rhod.* clarissimum medicinæ decus *observatione 27. l. II.* refert, asthma levatum fuisse libris 37. urinæ intra 24. horas evacuatis. Quare & Baglivus hæc remedia in nostro adfectu commendare non dubitavit, cujus verbis nostram dissertationem concludimus: Pluries adnotavimus, inquit *in observationibus p. 70.* in pectoris morbis semper ducendam esse materiam ad urinæ vias
natu-

natura id demonstrante, quippe magnū consensum esse
inter tibiae & pectus, pudenda & pectus constat. Non vero
tuta sunt diuretica ex salibus lixiviosis & acidis parata
in pectoris morbis, nam tussim movent & morbum
exasperant. Contra pulvis milleped. therebinthinata,
balsamus Peruvianus decoct. rad. aperient. Syrup. de
althæa Fernelii urinam potenter movent, nec
tenellis pulmonum membranis infensa
sunt.

F I N I S.

